

## Añ pats

Yapa' yenteñ atsneť, arrorr ñańa rantočhno all ento. Allohuen añečhnopa' yenteñ aťco'meťare'. Añ pats all yeyčhenapa' atťecma orrtena ñańa, aťco'meť, ñerra'm pelota. Yepatseńpa' aťco'meť atarr. Ama't penteńe ñerra'm yecua' enetpa' ñerra'mrraťe' čha pata'yena patso. Allemeńa yecua'yepa' e'ńe atťecma orrtena, ñeńťpa' ñeńťcha' yeńotate' patspa' aťco'meť.

### A'ťto'teńtsočhno ñańa ñeńťcha' ateť peyečhcatyes

1. ¿Erroťena't orrtena atsneť?
2. ¿Erroťena't orrtena arrorr?
3. ¿Erroťena't orrtena pats?
4. Ama't yoteneń patspa' aťco'meť țarrańa yapa' yenteń ñerra'mrraťe' e'ńe cohuen mopueń, ñeńťo'mar yapa' čhocma yoten patspa' mopueń, ama aťco'meťeyaye. Patspa' aťco'meť ateť ñerra'm pelota. Te'pa' o'ch yeńoch ñehua ateťfe'. Ñehua, pelotopa' o'ch ťa'čhta' puellońarr arrozłloń amapa' po'poń ñeńť atarr añeťoll pue'llomer. Te'ńapa' o'ch yeńoch patspa' nanac atarr ello metanenan pelota ñańa ačeń ñeńťara ateť yetma'mtateń arrozłloń peloto. Pecue', all ya'chten arrozłlońpa' e'ńe all allo'tsen arrozłlońpa' orrtena mopueń. Atťecma orrtena añ dibujo. All țomčhen ačeńeťollesha'pa' orrtena mopueń ñańa.

### Yeť ñańa tsap

Ań pats all yeyčhenapa' ańco'meť ñańa atťa čharena morro. Pueyomena e'ńe alla pa'rrpō ñeńť otenet eje. Pamťarropa' pueyomena parroch ñeńťara veinticuatro horas. Ñeńťo'mar yenten yeť ñańa tsap. Tarro'mar atsneťpa' ama čhoyo'tuenano ora pats. Allempo pats pueyomena e'ńe alla ñoťapa', ñeńť checmete'pa' e'ńech acoťoteń puetaresnen. Ñeńťo'mar yechen čharra' puechena epa horas yeť, ñańa čharra' puechena epa hora tsap.

### A'pťo'teńťsočhno ñańa actividades ñeńťcha' ateť peyečhcatyes

1. ¿Erra't čharena pats?
2. ¿Erroťena't puetallena pats?
3. ¿Errpona't hora o'chten pats atťoch pueyomena e'ńe ñoťa?
4. O'ch alla yoterrerr yepatseńpa' ańco'meť ateť ñerra'm pelota, țarrańa țe'pa' o'ch yeyora paťerr vela ñeńťcha' yetma'mtata atsneť. O'ch pťoch puesheńarr alumno orranepa' vela, po'psheńeńpa' orranepa' pelota. Ñeńťńa orrene' pelotapa' o'ch pťoteń pueyome'chanepa' pelota e'ńe alla. T̃arrańa velapa' amach pellatsto, allńapa' o'ch peńch, velapa' e'ńech puešmeta čhoyo'tan pelota, po'psheńtańpa' checmete'ch, ñeńťpa' atťecma pena yepatseń. Allempo atsneť čhoyo'tenan poshmet patspa' yapa' o'ch yenten puetare' ñeńťara yoten yeť, țarrańa ñerra'm pats o' pueyomena po'psheńtańoťpa', all puetaren ñorra'pa' o'ch puenasena checmete'.

Ñeñtcha' atet peyechcatyes:

O'ch pelleye' allponoch añ serrparñats, alloñapa'  
o'ch peserrpare'tatanet pecompañeros atet yečhquēna o':

Atfo yečhquēna o'

--Ach, ¿eso'mare't čha'nen epa po'poñe'ttsocma amos?

--Amaca' čha'nenofia epa amos. Ñeñt čha'nets coyñotpa'  
ñeñtpa' yoteñ pomre'te'. Pomre'te'pa' čha'nen allempo  
oñpa' o'ch atserrtena huomenc, allempo es ya'paten.

Añ pomre'te' ñeñt čha'nets coyñotpa' orrtena attema't  
ñerra'm os. Atfeña pamosoñ tso'pa' ama atfeyaye.

--¿Eso'mare't echantenaña pomre'te'?

--Echantena pomre'te', farro'mar ñapa' ama tama eñroyaye  
atet ñerra'm morr. Pomre'te' ñerra'm echanta  
enonetpa' ellopa' o'ch alla shora'nerr ñerra'm oñ,  
ñeñtñapa' ñeñtara ñeñt yoten o'.

--¿Errofena'chcha' shora'nerr? Ñerra'm ña pue'ñroñapa'  
metanenan morr.

--Ñehua, ne'mare, añ pomre'te'pa' o'ch echantena nanac  
eno all senfeten huomenc. Esemppa' allofach  
shora'nerr po'tapoť coyem, errofenopa' čhencha'  
entohua. Erra nanac senfetenpa' añ pomre'tepa' e'ñech  
acoťoteñ apčha'nma nanac, atfoťachčho' e'ñerrterra  
nanac o'chčho' alla shora'nerr patso. Allempo  
shora'nerrpa' arrña patsopa' o'ch huatena.

--Ach, farraña errofenopa' huatena ama't ama čho  
ya'pateno oñ.

--Atfeññačho' ne'mare, farraña añ pomre'te' ñeñt  
čha'nets yecoyñotpa' ama tama sherbeno osocop.  
Atsne'pa' a'shorrsastenan pate'tets yet allohuen  
po'ñesočhno ñaña sa'pačhno ñeñtña pomre'te'pa'  
ñeñtcha' puenerrtsa o' po'pocheño.